



# Akcija Lutka: 101 godina zatvora

Bojan Cvijan, bivši  
službenik **SIPA**, dobio  
je 20 godina zatvora  
zbog organiziranog  
kriminala

Piše: **ELMA GODINJAK-PRUSAC**

Akcija kodnog naziva Lutka dokaz je da Bosna i Hercegovina ima Tužilaštvo i policijske agencije koje su osposobljene za borbu protiv najtežih oblika organiziranog kriminala, poručili su iz Tužilaštva BiH, a jučerašnja prvostepena presuda jasna je poruka, između ostalog, i svim policijskim strukturama u našoj državi da je zloupotreba službenog položaja krivično djelo strogo kažnjivo. Odlukom Suda BiH, Bojan Cvijan, bivši šef Odsjeka za droge u SIPA i nekadašnji načelnik kriminalističke policije u CSB-u Istočno Sarajevo, osuđen je na 20 godina zatvora zbog učesća u organizovanoj zločinačkoj organizaciji koja je od 2005. počinila nekoliko oružanih pljački, više ubistava i pokušaja ubistava. Ostali, njih 12, također su krivi za učesće u organizovanom kriminalu i izrečene su im kazne od godinu do 18 godina zatvora. Postupajući tužilac u ovom predmetu Dubravko Čampara sa svojim timom radio je u tajnosti na Lutki od 2011. godine.

Biljana Čuković, predsjedavajuća Sudskog vijeća, podsjetila je kako je Lutka jedan od najkompleksnijih predmeta koji se vodio u Sudu BiH i da je odluka donesena pod punom odgovornošću. / STR 10.



Bojan Cvijan: Ostao u pritvoru / DŽENAN KRIJEŠTORAC

## Za bivšeg službenika **SIPA** 20 godina zatvora

Prvooptuženi Cvijan i ostali iz Lutke krivi zbog teških ubistava, pokušaja ubistva i nekoliko oružanih pljački tokom kojih je otuđeno 10 miliona maraka

Bojan Cvijan, Muhamed Ramić, Ljubiša Lalović, Marko Krajišnik, Dejan Vukosavljević, Nermin Tahirović, Elvira Kajević, Azim Kajević, Elvis Zlatić, Vladan Paradina, Dragan Obućina, Anes Kurbegović i Mladen Mičić krivi su, kazala je predsjedavajuća Vijeća Suda BiH Biljana Cuković, a poslije čitanja obrazloženja prvostepene presude, pročitala je i pojedinačne kazne. Cvijan, bivši šef Odsjeka za droge u SIPA i nekadašnji načelnik kriminalističke policije u CJB-u Istočno Sarajevo, dobio je 20 godina zatvora kao jedan od glavnih aktera organizovane kriminalne grupe, dok su ostalima izrečene sljedeće kazne: Ramić 8 godina, Lalović 5 godina i 10 mjeseci, Krajišnik 18 godina, Vukosavljević 4 godine, Tahirović 3 godine, Elvira Kajević 2 godine, Azim Kajević 5 godina i 10 mjeseci, Zlatić 3 godine, Paradina 8 godina, Obućina 8 godina, Kurbegović 15 godina i Mičić godina. Benjamin Halilović, Mehmed Kajević i Dragan Jevtović su oslobođeni optužbi. Osuđenima će biti uračunato vrijeme provedeno u pritvoru, a prema odluci Suda, dužni su svim oštećenima platiti naknadu štete u višemilionskom iznosu.

### Insajder

Cvijan koji se branio sa slobode ostaje u pritvoru. Zajedno sa njim i Ramić, Paradina, Obućina, Krajišnik i Kurbegović, s tim što se Paradina i Kurbegović nisu pojavili na izricanju presude. Paradina je, kako je pojasnio njegov advokat, imao saobraćajnu nesreću jer je vozio u alkoholiziranom stanju i zbog toga je u pritvoru, dok je Kurbegović u bjekstvu.

Cvijan je osuđen zakrivičnog djela organiziranog kriminala, a u vezi sa razbojništvom i ubistvom, te dogovorom za izvršenje krivičnog djela. Ramić zbog razbojništva, ubistva i teškog ubistva, a Krajišnik zbog razbojništva i ubistva. Ostali su osuđeni zbog krivičnog djela razbojništvo.



Tužilac Dubravko Čampara i njegov tim: Na Lutki se u tajnosti radilo od 2011.

Čuković je istakla da je ovaj premet bio jedan od najkompleksnijih u Sudu BiH.

- Vijeće je imalo obavezu da sa punom odgovornošću donese odluku, kazala je, misleći pritom na slanje jasne poruke svim uposlenima u policijskim organima u BiH.

Organizovana kriminalna grupa djelovala je od 2005, počinivši nekoliko teških razbojništava (pljačka Pavlović banke, Nove banke a.d. Bijeljina i BH Pošte), planiranih ubistava (Boris Govedarica, Zoran Golub, zvani Čarlama, i Vladimir Vlatko Mačar) i pokušaj ubistva Đorđa Ždrale. Grupa je pomno planirala oružane pljačke, rute bijega i ubistva, a u svemu tome glavni "insajder" je bio Cvijan koji je, koristeći svoj službeni položaj, "sredivao" prelaze na granicama, nabavljao

policijsku uniformu i motorole koje su se koristile u pljačkama, kao i automatske puške.

Cvijanova braniteljica Vasvija Vidović nakon presude najavila je žalbu.

- Kako god, ovo je sudska odluka i ona nije pravosnažna. Poduzet će sve što mogu kao advokat da moj branjenik dobije ono što po zakonu zaslužuje, rekla je Vidović.

### Odlučan udarac

Najopsežnija akcija u BiH do sada Lutka 2013. godine je imala 32 optužena, ali je u međuvremenu obustavljeno nekoliko procesa. Pojedini su pred Sudom sklopili i sporazum o priznanju krivice, a došlo je i do razdvajanja velikih predmeta (slučaj Đorđe Ždrale i Slobodanka Tošić). Darko Elez, kao glavni organizator kriminalne grupe, trenutno služi kaznu zatvora u Beogradu, a njegova desna ruka Benan Dorić izvršio je samoubistvo nakon podizanja optužnice.

Iz Tužilaštva BiH poručili su kako je Lutka najopsežniji predmet organiziranog kriminala ikada procesuiran u BiH, pa čak i regionu. Podsjetili su da je u pljačkama otuđeno 10 miliona KM, a zadan je i odlučan udarac nezakonitom ponašanju policijskim strukturama.

Tokom postupka saslušana su 122 svjedoka, od toga 95 optužbe i 26 odbrane. Uloženo je više stotina materijalnih dokaza